

مکتبہ انجیل

ادبی و سیاسی رسالہ اسبوعیہ در

۳۰ نجی سنہ



۱۷ رجب الفرد ۱۳۲۹

پنجشنبہ

جزو عدد : ۱۰۴

وزير رائف و فريق شوكت پاشا

بر هفته ظرفنده مملکت تلافیسی ناقابل ایکی بیوک ضیاع ایله مستغرق آلام اولمشدرکه ایکیسی ده ایماندن اولان رائف و شوکت پاشا لرك ارتحال ناکهانیلر بدر .
رائف پاشا ، مدحت پاشا مکتبتك ایلك شاگردی ؛ ومدحت پاشا مسنككك ایلك سالکی اولدیغی حیثیتله اومکتب ومسلكك نظریات وعملیاتنده معلم بیدایسك بالذات رهبری .
ارشاداتیله مظهر تکامل اولمش ایدی .

تاجلس والانك مضبطه اوطه سنده باشلایان بر انتسابکه انتساب رسمی دکل ؛ انجذاب روحی و وجدانیدن عبارت ایدی . مرشد محترمینك نیش والیلکندن طونه ولایتنه انتقال ابتدایی تاریخنده شکل معنویسنه بر صورت رسمیه و بر مش وایشته آندن صکره مدحت پاشانك معیان افعال واجرا آتی صره سنده بر صورت مهمه ده تشخص ایلشدی . رائف افندی طونه ده مجلس اداره کاتبی اوله رق مدحت پاشانك قوه ارادیه وفعاله سنی اوافق اوافق انتقاداتیله بعضاً صابقی استعدادنده کوردیکی افراط کارلقدن حد اعتداله تحویل ایدپوردی .

آتشین بر آرزوی مقاومت بر اندازانه یی حائز اولان بومرشد اعظمك تشبثات اجناعیه وسیاسیه سنی - بونا پارنك یانار طاغیر قدر فوران انکیز اولان جرات حربی ژومینی هانکی خاصه خارق العاده ایله کشف انجمن ایه - رائف افندی ده اواخصه فوق العاده ایله کشف وتعديل ایدپوردی .

مدحت پاشا زمان اولوردی که انتقادندن مصون بولمق ایچون رائف افندی دن کتم مقصد ایدردی . فقط رائف افندی پاشانك سیای بشوش معنیدارنده منویاتی اوقور ؛ برطاقم امثال وکنایات ایله کشف ابتدیی مقصدك محتاج تعدیل اولان جهلریخی سهام انتقادیه جرح وتصحیح ایلردی . ایشته بوبله بوبله مرشد ومرید آرمه سنده کی مناسبات روحیه ده بر آهنگ ویا غیر قابل تحلیل بر وحدت حصوله کلشدی . آرتق مدحت پاشا رائف افندی ، رائف افندی مدحت پاشا اولمشدی . بک چوق مسائله پاشانك ، رائفیز بولندیغی زمانلرده کی اجرا آتنده - که مع التأسف اطوار عجولانه نیجه سی ایدی - کاه نقصان وکاه فضله حالات ، یعنی تفریط وافراط اثرلری گورلمشدر .

رائف افندی طونه ده ، شورای دولته ، بغدادده ، باب عالی اوراق مدیرلککنده ، نهایت سوریه ده مدحت پاشا ایله کچیردیک ایام حیاتی سنده ، مرشدینك تقدیر وشکرانه مظر اولمشدر . پاشانك فلاکت ووقتندن صکره رائف پاشایی بعض بدینلر اتهام ایتک ایستدیلر ایه ده مشارایه ، پاشایه روحاً انجذاب ورسماً انتساب استدیکی کوندن صوک نفسته قدر صدق ووفاسنده دوام انجمنشدر . بونلرك آرمه سنده کی وحدت روحیه ملاحظه اولنورسه صدق ووقا تعبیری پک عادی قالمق لازم کایر .

رائف پاشا ، بر قاج دفعه نافه نظارتند ، رسومات امانتند ، والی بکارد ، بولنش و نهایت سلك اعیانه داخل اولمشیدی .

بولندی خدما تك كافه سنده امشالی اولان وكلا وولاتك عمومته اثبات نفوق ایتش و هیچ برایشه نفس الامر دن بشقه بر مؤثر ك تحت نفوذند بولنامشدر .


امتصاده اولان رعایي ، و سرمایه مکتبسی حسن استعمال سایه سنده جمع ثروت ایشیدی . بوملكتده افعالنند طولانی بر فرزد و برهك حسابی اولدینی حالد بر ناصیه پاك ایلده انعام عمر عزیز ایشدر .

شوكت پاشا :

بوذات عبدالعزیز خان دورینك یتشد بر دیکی اعظم حیثتکاران عساكر مزدن ایدی . خلقنك هر شخصه رایگان طولندی بر چوق خصائص و خصائل ایلده ممتاز اولان شوكت پاشا نسلاً دخی تاریخ عنانیده بر چوق صحائف فخر و شرف تشکیل ایدن اعظم رجال حربیه و سیاسیه مزدن تریاق حسن پاشایه منسوب یعنی آنك اولادندن بولنشدر .

شوكت پاشا سلطان مراد خامسك حین جلوسنده مابین هابون فریقکی ایلده برابر سریاور اولمشیدی . عبدالحمدك ، خلعنه قدر هیچ بر صورتله تشفی قبول ایتمیان غیظ و غصی بومأموریتدن طولانی شوكت پاشای تحت تأثیرینه آلمش و مشار الیه اعلان مشروطیته قدر اوتوز سنه پای تختدن اوزاق بولند بر مقله بر قدرت عظمای عسکریه بی حائز اولان بوذاتك خدمتندن وطنی محروم ایشدر .

پلونه ایك صوك قافله مهمات و ارزاق شوكت پاشا مرحوم ادخال ایش ایدی . جسارتك ، شجاعتك ، هرگونه مشاق و مزاحه تحمل شانندن اولان متانتك تمثال مشخصی اولان بوذات عین زمانده نزاكتك ، حلم و نزاكتك دخی متشخص بر مثال عیدایسی ایدی . عهد استبدادك پاك چوق قهر و ستمی چكش اولدینی حالد نوجوانانه بر عزم متین ایلده بوكون دخی مسلك حیثك ایجابانندن اولان هر بر خدمت و وطنیده اثبات وجود ایتك حاضری ایدی حیفاكه مشاق آلود اولان بر عمر ك ایام اخیره سنده محتاج اولدینی رفاه و راحت هنوز ادراك ایش و پاك چوق سنه بر حیات اولقلنی مأمول و متنا بولنش ایکن اجا و اوداسنی الی الابد داغدار یاس و ماتم ایدن ارتحال ناکهانیسی وقوع بولمشدر . جناب قی مرحومی غریق رحمت و افراد خالته سی - فرزند نجیب و یكانه سنی باغشلامقله - مظهر تسلیت بیورسون .



محمود صادق بكك اوراق ققومییه سندن ۱۰۳۰ نجی یارق .

یونانستان قدیمده بر دلقانی بولندی برده . مملكتده تعلیم و تربیه سنی نه مرتبه قدر اصعاد ایدم بیلسه ینه مكل صایلمازدی . . . بولقانی به . تعلیم و تربیه سی بولنده در دینله بیلک و اعتماد و رعایت اولونقی ایچون اوزمان معلوم اولان عانده بر مدت سیاحت ایتسی ، دنیایی سکورمه سی ، محن و مشاققه دایانمسی ، حیات امتحانلرنی کچیرمه سی لازم ایدی . . . سیاحتك مربی حقیق اولدیغه دائر اولان فكلر لر بلكه اوزماندن قلمشدر .